

CENTRALNA BANKA BOSNE I HERCEGOVINE

Na osnovu člana 2. stava 3. tačke h., člana 7. tačke e., člana 39. i člana 42. Zakona o Centralnoj banci Bosne i Hercegovine ("Službeni glasnik Bosne i Hercegovine", broj 1/97), Upravno vijeće Centralne banke Bosne i Hercegovine na 10. sjednici od 8. maja 2002. godine, donosi

ODLUKU

o izdavanju, osnovnim obilježjima i puštanju u opticaj dodatnih količina novčanica konvertibilne marke u apoenima od 50 KM i 100 KM

1. Centralna banka Bosne i Hercegovine (u daljem tekstu: Centralna banka) izdaje i pušta u opticaj dodatne količine novčanica konvertibilne marke (u daljem tekstu: KM), kao zakonitog sredstva plaćanja u Bosni i Hercegovini, u apoenima od 50 KM i 100 KM, dizajna Federacije Bosne i Hercegovine i Republike Srpske.

2. Novčanice iz tačke 1. ove odluke imaju osnovna obilježja i tehničke karakteristike u svemu utvrđene Odlukom o izdavanju i puštanju u opticaj novčanica konvertibilne marke ("Službeni glasnik BiH", broj 10/98), s tim da sve novčanice nose godinu štampanja "2002" koja je štampana ispod potpisa i riječi "guverner" i imaju utisnutu standardnu jednostavnu metaliziranu sigurnosnu nit širine 1,00 mm, 100 % pamuk, koja nema oznaku CBBiH i nije fluorescentna.

3. O specifičnim zaštitinim karakteristikama novčanica iz tačke 1. ove odluke guverner će na prikladan način obavijestiti komercijalne banke.

4. Novčanice iz tačke 1. ove odluke puštat će se u opticaj počev od 1. aprila 2002. godine, u skladu sa inventurom zalihe novca i planom izdavanja novca, na osnovu odluka guvernera, a putem glavnih jedinica i filijala Centralne banke.

5. Ova odluka objavit će se u "Službenom glasniku BiH", "Službenim novinama Federacije BiH" i "Službenom glasniku Republike Srpske".

UV broj: 31 /02
8. maja 2002. godine
Sarajevo

Predsjedavajući
Upravnog vijeća Centralne banke
Bosne i Hercegovine
G U V E R N E R
Peter Nicholl